


不空罽索神呪及真言經

卷十二

百六十三

頁二

48401



元祿九年丙子二月日重脩

皇圖聖圖 帝潛銀呂

佛日增輝 懋輪常轉

山城州天安寺法金剛院置

不空罽索神變真言經卷第十二

真

唐南天竺三藏法師菩提流志譯

廣博摩尸香王品第十六

爾時觀世音菩薩摩訶薩復白佛言世尊是  
不空摩尸香王三昧耶有大神力能請十方  
一切諸佛菩薩摩訶薩一切諸天真言明仙  
加持成就持真言者一切諸法廣大悉地亦  
能摧伏一切妬裔天龍藥叉羅刹乾闥婆阿  
素洛緊那羅薩魯荼摩呼羅伽諸惡鬼神亦  
能消滅世間藥毒虫毒瘰癧呪詛鬼神諸病  
人民歡喜增長成熟福蘊善根過解除過現  
十惡五逆四重等罪三十三天天主帝釋後



昔至今恒以此香塗身熏服假香神力與阿  
素洛陣敵鬪戰常皆得勝那羅延天亦以此  
香塗身熏服假香神力降伏一切阿素洛王  
復常得勝大自在天亦以此香塗身熏服假  
香神力燒三樓天復常得勝復於往昔佛未  
出時見有國王号名半拏羅婆奈拏亦以此  
香塗身熏服假香神力共驕羅皤王陣敵鬪  
戰亦復得勝世尊菩提樹下初成正覺坐金  
剛座降諸魔軍亦以此香塗身熏服假香神  
力及慈悲力摧諸魔軍一時散壞昔有商主  
号名成就諸事居士遊於海中採得寶珠而  
被却失亦以此香塗身熏服假香神力誓弘

願言竭大海水住立海岸翮大海水不踰  
日海水欲盡今諸龍王忙怖持珠却還商主  
商主得珠即進還家以是寶珠置於幢頭復  
以此香燒熏寶珠其珠是時七日七夜雨諸  
珍寶以斯因故說是香王有大神力能大成  
就持真言者今彼難陀龍王跋難陀龍王往

昔嘗與娑伽羅龍王七日七夜海中鬪戰三  
俱吐毒渾大海水揔成毒水大自在在天亦以  
此香塗身熏服假香神力海中吸服三龍王  
毒項變青色伏變龍毒而成甘露以斯因故  
說是香力能滅毒故昔有國王号曼駄多王  
亦以此香塗身熏服假香神力誦念求願得

金輪王常得百千苦行仙衆供侍輿輦王四  
天下遊騰虛空往三十三天與天帝釋同一  
牀坐忽起惡心作大妄語即便却墜退失輪  
王以斯義故持真言者應常如法真語實語  
發菩提心常行大悲燒焯此香則得一切如  
來神力加被成就世尊如是說者爲諸有情  
解除十六地獄苦故說解除餓鬼一切飢渴  
羸瘦苦故說解除世間一切灾厄結駮故說令  
於今當持真言者成就故說自他求願燒此  
香者皆發悲心若自求者即稱自名若爲他  
者應稱他名供養誦念亦得如願日月蝕時  
惡星現時國王大臣沙門婆羅門一切人民

有厄難時應淨洗浴當以此香塗身熏服燒  
焯供養假香神力讀誦不空羅索心王陀羅  
尼真言三昧耶則令一切灾厄疾病解除消  
滅觀世音菩薩神祐加護持真言者清淨沐  
浴當以此香塗身熏衣以大悲心溥爲十方  
一切地獄餓鬼傍生一切有情燒焯供養假  
香神力誦持不空王陀羅尼真言能令十方  
一切地獄餓鬼傍生一切有情遇香風者皆  
得解脫若有有情性多瞋恚愚癡障者清淨  
洗浴常以此香塗身熏衣於諸有情起大悲  
心至誠懺悔誦持不空王陀羅尼真言速得  
解除瞋恚愚癡一切結駃地獄重罪若常淨

浴塗身熏衣依法作法誦持母陀羅尼真言  
十萬遍悉地王真言十萬遍當證不退灌頂  
地住得諸如來加被金剛無間三摩地凡燒  
此香所供養處猶如十方一切如來舍利制  
多亦如十方一切如來香雲光明宮殿住處  
亦如六十四苑伽沙俱肱那度多百千如來  
香雲刹土轉法輪處亦是一切菩薩摩訶薩  
金剛諸天真言明仙四天王神半支迦藥義  
大將娑多藥義大將形麼婆多藥義大將摩  
尼跋陁藥義大將布羅跋陁藥義大將佛力  
藥義大將那吒鳩鉢囉藥義大將及諸藥義  
大將各并眷屬恭敬擁護與加願處亦是伊



首羅天摩醯首羅天大梵天帝釋天那羅延  
天三十三天恭敬擁護與加願處亦是日天  
月天星天二十八宿主星神天毗摩夜天功  
德天辯才天持地天水天商棄尸神樹林神  
山神池神河神海神恭敬護處亦是焰摩王  
俱廢羅天俱摩羅天苦行仙衆日夜護持亦  
敬供養猶如十方一切如來舍利制多處亦  
是觀世音菩薩摩訶薩一切眷屬香雲宮殿  
法會住處若有有情得此香者則得修習阿  
耨多羅三藐三菩提道告諸天言汝當諦聽  
我爲利益持真言者一切有情說摩尸香王  
伽他頌曰

黑沉水香安悉香

數各一百八分香

新鬱金香小甲香

多誡羅香白膠香

迦斤羅野塞訖香香

惹莫迦同香清木香

畢哩陽愚香藿香

白栴檀香龍腦香

牛黃雄黃香附子

迦同娜迦同菓弭惹耶

素縛羅拏訖使羅

沒囉吹麼補怛囉

乾陀羅娑香煎香

三十二分薰陸香

二種數各十分香

那弭嚙香蘓合香

茅香數七各二分

塞畢唎迦同甘公香

零陵香七各四分

麝香三種各三分

杜仲木汁反藕梢

俱物頭華訖黎勒

止弭瑟努訖爛鞞

塞努訖訖使囉藥

素麼囉介那矩利

乾陀那俱利惹耶

是數十七等一分

皆取精妙上好者

白月十五日於閑淨處清潔洗浴以香塗身  
著淨衣服食三白食寂斷諸論作曼拏羅鬱  
金香泥白旃檀香泥塗摩畫飾置不空王像  
以諸香華香水燈明三白飲食敷設供養置  
香壇上真言加持一百八遍和合摠治粃糖  
石蜜白蜜等分加持一百八遍如法合治分  
爲二分盛磁器中復置壇上西東作法母陀  
羅尼真言加持摩尼香王一千八遍奮怒王  
真言加持摩尼香王一千八遍悉地王真言  
加持摩尼香王一千八遍牢固密封特勿泄

氣埋斯壇地五旬日滿發取燒燂供養一切  
不空王手真言

唵喉中擡聲呼之薩縛禪訖誡跋一縛路枳鞞二旃

暮伽上紇二唎娜野三柘羅柘羅四柘柘羅

五摩訶迦嚕拏迦六娑去阤上野訶七旃鼻

洗者野八旃暮伽上播捨歌塞蘇乙羶九莎

二縛訶十

以此真言加持香王滿十萬遍一切如來神  
力加持摩尼香王名一切如來所觀察香又  
名觀世音與持一切菩提願香一分燒之一

分塗熏 燒香真言

唵喉中擡聲呼之薩縛禪訖誡跋一縛路枳鞞二摩

訶暮伽

三上

惹耶惹耶

四

莎合

二縛訶

五

如是真言加持香王燒供養之當淨洗浴加  
持香王塗身熏衣貫服清潔依法受持此真  
言者則得十方一切如來神通加祐觀世音  
菩薩夢覺現身與授不空智海三昧耶為除  
八難四重五逆一切諸罪一切沙門婆羅門  
盡皆信仰若熏沙門婆羅門一切人者亦得  
解除一切結使若白月八日十五日清淨澡  
浴此香塗身著淨衣服食三白食高山頂上  
仰天樓上作曼拏羅獻諸香華香水白食燒  
焯香王面西供養十方一切刹土一切諸佛  
菩薩摩訶薩則於十方一切刹土一切諸佛

菩薩摩訶薩前一時皆現此不空摩尼牛頭  
栴檀香雲宮殿樓閣種種臺座幢幡華蓋而  
供養之是時十方一切刹土一切諸佛一時  
讚言善哉善哉真言者我等諸佛往昔因地  
作斯供養西方淨土阿彌陀佛觀世音菩薩  
大勢至菩薩一切菩薩歡喜讚歎加祐成就  
不空王法及遍一切大梵天帝釋天那羅延  
天摩醯首羅天日天月天星天乃至色究竟  
天皆供養之是時諸天聞香氣者一時歡喜  
謂讚此香從何方來作斯法者得大福蘊成  
熟善根若乞雨止雨高迥望處塗曼拏羅燒  
焯香王高聲緊捷誦此最勝明王真言稱難

陀龍王名跋難陀龍王名者須雨即雨須止  
即止及止一切惡風瀑雨雷電霹靂誦持奮  
怒王真言燒焯香王一切毗那夜迦諸惡鬼  
神悵惶馳走百踰膳那若燒香王誦最勝明  
王真言稱摩訶迦羅名諸天神名則得降伏  
而爲護祐常燒香王供養誦念速得一切大  
願成就

金剛摩尼藥品第十七

爾時觀世音菩薩摩訶薩復白佛言世尊金  
剛摩尼藥亦能利益當來一切持真言者與  
諸有情解除種種災厄病惱不吉祥相所作  
諸法悉皆成就若點佩者得諸天神冥皆擁

護人民見者悉皆歡喜若塗面者面黥除滅  
膚色鮮白若點眼者眼得明瑩人所相見歡  
喜問訊若塗佩身誦念之者毗那夜迦諸惡  
神鬼悵惶馳走不相障礙得大威力如那羅  
延三十三天及諸龍衆亦皆戰怖假真言藥力  
動須彌山若有諸病一切災厄以藥塗點身  
分肢節則得消滅若淨沐浴塗身熏衣誦念  
懺悔十惡五逆一切罪障則得蠲除人所見  
者歡喜相敬觀世音菩薩神通威德加祐擁  
護爲滿一切菩提境界分六十四瓊伽沙俱脰  
那庾多百千如來善根相應觀攝擁護怨難  
災厄悉皆除滅執金剛秘密主而垂擁護若



常佩戴塗身熏衣貫服清潔誦持真言得諸  
如來爲授阿耨多羅三藐三菩提記乃至等  
覺坐菩提座一切天魔衆惡鬼神不相憍惱  
若塗鍾鼓擊奏聲曲有情聞者皆當除脫十  
六地獄一切罪苦及得除脫八難大怖水火  
崖岸刀杖怨賊虎狼蠱毒雷電等難若有鬼  
神鳥獸聞者業報受罪亦皆消滅捨斯身已  
生人天界若塗螺中樓上山山大聲吹之有  
情聞者皆得除滅一切罪障捨斯身已上生  
天界若藥置幢頭解除國土鬼神灾癘惡風  
瀑雨穀米豐稔有情見者禳治灾障金剛摩  
尼藥等數頌曰

多誡囉香上牛黃

優鉢羅華上雌黃

蓮華鬚蕊上雄黃

白栴檀香茅香根

畢囉迦香鬱金香

畢囉陽愚香龍華

縛羅迦香紫檀香

歌隸努藥青木香

路馱羅藥醫羅香

上惹底鉢得觀訖及囉香

蘇曼那華惹莫迦

乳闍囉娑香迴香

散者囉娑沉水香

杜仲木汁丁香皮

白月八日治潔身服食二白食作曼拏羅置

不空王像面東安置獻諸香華香水飲食藥

置壇上悉地王真言加持和合等分加持龍

腦香麝香當和合之分作三分一分熏佩伽

曼陀羅二分服塗水煎沉水香乳陀羅娑香

白旛檀香如法合治悉地王真言丸治藥丸  
佩藥捏飾若不開蓮中心上下通穿爲孔彩  
畫莊飾加持五色線索穿貫作囊盛之持佩  
身上若惟塗服當摠爲丸復置壇內最勝明  
王真言奮怒王真言悉地王真言加持是藥  
一千八遍日日供養乃至藥乾若常佩者當  
趣三藐三菩提若服塗者能治一切鬼神之  
病風濕疥癬惡瘡毒腫癰腫痔病癩病頭痛  
喉腫口瘡眼耳鼻舌齒脣心腹疔癩麻痢種  
種諸病盡皆治之若腹病者煖水和服若身  
外病冷水和塗若男佩者繫左肘上若女佩  
者繫右肘上是佩藥者能勤精進依法護持

得大勇猛猶若我身若點額塗身熏服淨衣  
修治諸法速皆成就爲人愛敬若常戴佩如  
法誦念速得成就若右腕佩掐珠誦念得大  
威力若繫頸下誦念之者速得諸法相應現  
前若二手腕佩修治布施得無盡手獲大功  
德若腰上佩渡江河海不爲水獸而相災害  
又法銀造三十二葉蓮花臺內空合盛佩藥  
丸藥熏藥於閑淨處白月八日潔治身服食  
三白食淨治飾地作曼拏羅如法摸畫標飾  
界位置悉地王像面西置銀蓮華當壇心上  
獻諸香華香水菓子飲食蘇燈燒沉水香白  
栴檀香蘇合香日日隨心種種供養晝夜斷

語依法作法最勝明王真言奮怒王真言悉  
地王真言加持白芥子打蓮華臺滿三萬遍  
或六萬遍或九萬遍或十二萬遍或十六萬  
或十九萬或二十二萬每白月八日斷食作  
法當中夜時或五更時銀蓮華上放大光明  
於虛空中出大音聲悉地王像言善哉善哉  
是時空中一切如來一時現身證斯相時身  
心適悅執持蓮藥高聲迅誦最勝明王真言  
一千八遍請觀世音神通威力請一切佛神  
通威力垂祐加被又誦悉地王真言一千八  
遍捧戴蓮藥即得神通騰空自在那羅延天  
持千輻輪現身祐護不順命者則皆摧伏十

二百千俱胝大真言仙王恭敬讚護證不空  
大摩尼幢三摩地授得不空廣大光焰羅索  
執持遊往十方刹土覩見一切諸佛菩薩諸  
大神變爲諸如來讚歎安慰證大摩尼金剛  
觀察光明照耀清淨之身一切天龍八部鬼  
神盡皆降伏殷敬擁護壽命千劫常往西方  
觀覩諸佛菩薩神通演諸深法以此三昧亦  
能示現觀世音身及能示現觀世音七寶宮  
殿亦能作大神通入於地下六十四百千真  
言明仙大宮殿中自在無礙若繫右臂證諸  
秘密真言明仙三昧耶若繫左臂證諸藥叉  
羅刹三昧耶若繫腰上證摩尼寶三昧耶若

繫右膝見諸藥精採取無闕若繫右脛得承  
第一風輪遊往一日一夜往返輪還三千大  
千世界無所障礙若繫右腳掌入於地下過  
七重金剛際地出入無闕若藥含服誦念之  
者須臾千言舌相柔軟若常服者得大智慧  
如意摩尼瓶品第十八

爾時觀世音菩薩摩訶薩復白佛言世尊是  
不空悉地王最勝如意摩尼瓶三昧耶能成  
出世世間一切諸法亦如不空如意輪陀羅  
尼能與有情作大寶處其瓶以金以銀以銅  
以碼碯以鍮鈳以磁以泥隨力辦作瓶如珠  
形中受一斛底象覆蓮口象瓶口內外填飾

遶瓶身上圖畫蓮華圍遶項口畫華鬚藥題  
記四方中層東北面葉上多羅菩薩半跏趺  
坐東面葉上不空絹索觀世音菩薩結跏趺  
坐東南面葉上毗俱肱觀世音菩薩半跏趺  
坐南面葉上除八難觀世音菩薩結跏趺坐  
右畔葉上執金剛秘密主菩薩結跏趺坐西  
南葉上濕廢多白身菩薩半跏趺坐西面葉  
上十一面觀世音菩薩結跏趺坐西北面葉  
上白衣觀世音母菩薩半跏趺坐北面葉上  
如意輪觀世音菩薩一手執輪一手執蓮華  
一手掌如意寶珠一手掌頰一手膝上執持  
數珠一手按地結跏趺坐右畔葉上僑理菩



薩手執蓮華半跏趺坐此諸菩薩面目熙怡  
花冠瓔珞耳璫鑲釧天諸衣服種種莊嚴坐  
蓮華座上層東北面葉上伊首羅天子摩醯  
首羅天子東面葉上大梵天子帝釋天子日  
天子東南面葉上大自在天子火天神苦行  
仙衆南面葉上那羅延天子焰摩王西南面  
葉上俱廢羅天子婆馭縛天子西面葉上水  
天子月天子西北面葉上風天子淨居天子  
北面葉上一切諸天二十八宿天七耀星天  
是諸天等種種衣服具莊嚴之半跏趺坐下  
層東面葉上提頭賴吒天王左手把槃右手  
揚掌半跏趺坐東南面葉上度底使者并及

眷屬南面葉上毗嚕訛迦天王左手執槃右手揚掌半跏趺坐西南面葉上功德天地天神半跏趺坐西面葉上毗嚕博叉天王眉間一目左手持槃右手掌獨股金剛杵半跏趺坐西北面葉上辯才天俱摩羅天半跏趺坐北面葉上多聞天王左手執槃右手把獨股金剛杵半跏趺坐東北面葉上白象毗那夜迦一髻羅刹女使者半跏趺坐是四天王種種衣甲天衣莊飾諸天使者天諸衣服而莊飾之其瓶周帀種種寶采間錯莊嚴瓶座華座以白栴檀木或楓香木或栢木或木楹木與瓶相稱刻開蓮華周帀畫彩一如蓮華一

一葉上諸器仗印以淨香水淨白芥子當令  
曝乾盛滿瓶中淨帛蓋上白芥子龍腦香麝  
香牛黃雄黃和合未治置於帛上復以緋帛  
重疊覆上上置七寶白月八日治潔身服食  
三白食淨治其地作曼拏羅基高一肘堅築  
平填以瞿摩夷黃土泥周遍塗摩以諸香泥  
重上摩拔規郭界院內院二肘純白栴檀香  
泥又遍塗摩純鬱金香泥栴檀香泥中畫三  
十二葉開敷蓮華繞華四面畫蓮華曼外院  
一肘四面除門畫開蓮華四門畫蓮華曼四  
面臺上置種種印標飾界道如意寶瓶置華  
臺上獻諸香華香水菓菴三白飲食種種華

鬘蘇燈油燈稻穀華白芥子白栴檀香沉水  
香蘇合香薰陸香或餘諸香而供養之六時  
結界護身護伴燒焯廣博摩尼香王供養諸  
佛菩薩摩訶薩一切諸天請召作法每日如  
是作新淨者敷設供養勿令間斷日日當以  
奮怒王真言加持白芥子水灑散寶瓶而結  
護之以大悲心輪印觀置十方一切諸佛如  
來微妙淨身放金色光照融寶瓶一切菩薩  
諸天神像光明赫奕以一切如來金剛法性  
如意摩尼般若文字光明熾焰三摩地誦持  
最勝明王真言悉地王真言加持如意瓶內  
外圓光滿十萬遍或二十萬遍當十五日夜

五曉時瓶自旋轉放種種光於虛空中出大  
梵聲種種歌詠是時身心明朗喜快如意瓶上  
一切菩薩諸天神像放大光明是時燒香闕  
伽供養誦奮怒王真言加持白芥子散於瓶上  
瓶中出大梵聲讚言善哉善哉持真言者汝今  
成就大如意瓶汝從今去以此寶瓶求上中  
下三昧耶者悉得圓滿言下法者當求種種  
醫方呪術工巧伎藝歌唱讚詠種種財寶皆  
得圓滿言中法者當求種種聲聞之論辯才  
文持義持揔持一切經論歷數筭計皆得圓  
滿言上法者當求識見一切諸佛菩薩金剛  
諸天宮殿一切藥叉羅刹神鬼宮殿一切胎

羅尼智三摩地入諸法會三摩地入諸地位  
三摩地皆得圓滿若時亢旱惡風暴雨雷電  
霹靂疫疾諸災治地摩壇當置寶瓶修治作  
法乞之止之皆得遂願當取瓶上白芥子龍  
腦香麝香牛黃雄黃真言加持杜仲木汁和  
合爲丸真言加持赤黃牛乳和藥點頂髮際  
額上肩上手腳掌上則得神通百千俱眩真  
言仙衆一時現前不爲一切藥義羅刹鬼神  
覩見若服頤者壽命萬歲當得悟解一切論  
辯一切陀羅尼真言曼拏羅印三昧耶若藥  
點臍渡江河海不爲水獸而相災害若藥點  
頂往於軍陣鬪諍之處俱生和解若和蘇服

得大威力等十白象掌弄白象不以爲難若  
塗二臂力敵百人相叔相撲盡皆得勝若天  
寺中而誦真言稱諸天名一百八遍以藥置  
於天寺舍中得諸天神而自臣伏風雨順時  
無諸灾疾若藥置於人家門頭其家歡喜無  
諸疫疾鬼神等病若藥置於寺門頭者僧衆  
安樂無諸惱疾住大慈心若藥置於聖僧座  
下不爲鬼神偷諸食味常令衆僧得上味食  
若置鉢中巡門乞食速得上食若門若路一  
切人民見斯鉢者皆滅垢障若藥置於舍利  
塔中當今日日得大施福若藥置於觀世音  
像足下者每日誦念不空罽索心王陀羅尼

眞言一百八遍令諸人民自常供養觀世音  
菩薩長不斷絕若藥置於十字道中一切鬼  
神被逐馳怖不相侵惱若藥置於高山頂上  
一切藥精放光出現取之無畏所有有情住  
是山者則得解除一切灾障周遶是山百踰  
膳那無諸疫疾鬼神等病若施諸人而頂佩  
者觀世音菩薩而常憶念滅諸罪障一切灾  
厄若藥置於田中苗實豐熟不爲蝗虫惡風  
灾暴若藥置於空藏中者財寶穀帛而無散  
耗若有有情短命薄福被諸毗那夜迦一切  
鬼神作疾惱者香湯和藥數數浴身一切病  
障宿積罪垢一時除差世間所樂一切諸法



隨心作之盡得成辦

如來加持品第十九

爾時釋迦牟尼如來舉伸右手摩觀世音菩薩摩訶薩頂讚言善哉善哉摩訶薩能以自在大神通力顯現演斯世未曾有不空絹索心王脗羅尼真言三昧耶悉地王真言曼拏羅印三昧耶如意寶瓶與瞻部洲苾芻苾芻及淨信男淨信女安立成就不空悉地王真言曼拏羅印三昧耶如意寶瓶皆獲利益得大安樂今受持者勤讀誦持得佛菩提轉法輪處我今以是受持讀誦此三昧耶者付囑於汝令得成就最勝悉地汝當護念種種加

持與諸法願我亦種種成就加持無量三昧功德善根而成就之

尔時觀世音菩薩摩訶薩歡喜踊躍熙怡微笑合掌恭敬頂禮雙足又白佛言世尊我誓遍於十方一切三千大千世界所有一切有情有情等以大悲心盡皆攝受乃至傍生水陸之類一切有情亦盡攝受爲與解除一切業報種種苦惱皆住菩提不退轉地世尊彼等有情專念我名欲得真實成就法者我皆觀察加祐護持爲作成就復有有情爲脫諸苦亦念我者亦以大悲慈善根力攝護觀察爲脫諸苦世尊復有有情善明法式謂求解脫發大

悲心常勤精進晝夜六時受持讀誦是不空  
絹索心王陀羅尼真言解脫蓮華曼拏羅印  
三昧耶悉地王真言曼拏羅印三昧耶恭敬  
供養依法修者我最偏急憐伺觀察愛念守  
護頂戴擔負常不放捨以大悲力愛念此人  
心不滿足心不放捨謂得種種示教利喜得

大解脫住菩提道滿一切願擁護利益是以  
我心而不滿足而不捨離世尊復有有情為  
斯教網流傳示現亦能精勤依法修治恭敬  
供養此三昧耶受持讀誦思惟聽聞善解文  
義修治法式世成就者復有有情暫聞此三  
昧耶一一章句者我皆隨逐祐護利益當益

當應與證出世世間一切勝願安住菩提不  
退轉地若有傍生水陸之類一切有情若得  
聞此真言三昧耶文詞章句我亦當與住不  
退地世尊何況清淨有情常住法住持戒精  
進以大悲心晝夜六時依法受持讀誦此不  
空絹索心王陀羅尼真言最勝廣大解脫蓮  
華曼拏羅印三昧耶者而豈不與現證一切  
三摩地耶世尊如是清淨依法受持真言之  
人此乃真非臭穢之身應知此人是天中天  
微妙淨身世尊由斯因緣我則常能頂戴擔  
負世尊云何證知斯人是天中天微妙淨身  
世尊緣此不空絹索心王陀羅尼真言廣大

解脫蓮華曼拏羅印三昧耶圓在斯人藏識  
中住由是不空縞索心王陀羅尼眞言廣大  
解脫蓮華曼拏羅印三昧耶威神力故說此  
人身必定是名天妙淨身世尊當知此人即  
是不空悉地三昧如意寶身應知即是如來  
藏曼拏羅印法之身應知即是不空縞索心  
王陀羅尼眞言曼拏羅印法之身應知即是  
離於慳貪嫉妬之身應知即是清淨無垢之  
身應知即是一切天龍藥叉羅刹闍婆阿  
素洛蘂魯荼緊那羅摩呼羅伽人非人等恭  
敬供養身應知即是三十三天恭敬讚歎擁  
護之身應知即是七十二瓊伽沙俱脰那瘦

多百千如來前植種善根成淑相應身應知  
即是阿彌陀佛法身應知即是一切菩薩摩  
訶薩敬護加被身應知即是執金剛秘密主  
菩薩敬護祐身應知即是甚深大海廣無際  
身應知即是須彌山王身應知即是清淨虛  
空大摩尼寶身應知即是真實舍利塔身應  
知即是一切如來授記加被身世尊應知此  
不空罽索心王陀羅尼真言廣大解脫蓮華  
曼拏羅印三昧耶有大威德有大神通是真  
貞實出世間法

世尊末世彼諸有情多有貪瞋愚癡嫉妬恨  
戾懈怠一切重罪纏裹身心三業不淨不定

信此三昧耶甚深明教又不明解受持修習  
真言明印儀式觀智一一文義三昧耶故世  
尊如斯有情晝夜常有種種慙吝積聚障累  
相續不絕雖復受持讀誦供養時數間斷不  
專誦持若不成就非我過各世尊如斯有情  
雖不證成菩提三昧但為災厄種種惱疾  
便稱念受持讀誦我此不空絹索神變陀羅  
尼真言法教我亦常與夢覺現身加被擁護世  
尊我雖數數現身警覺此輩有情由自身業  
惡作惡觀雜漏充滿亦不識我亦不憶我亦  
不須臾定心思惟觀照念我如此有情云何  
得度世尊末世復有有情志定堅固持戒精

進又復深信此真言教受持讀誦係念思惟  
觀照我身我則常得現身與語同住同事世  
尊我雖為現亦不識知是我之身世尊我所  
現者為現沙門身執持應器或現淨行婆羅  
門身或現刹帝利身或現商人身或現國王  
身或現宰官大臣身或現朋友身或現父母  
身或現兄弟姊妹身或現童男童女身或現  
內外親族身或現和上闍梨身或現同學身  
世尊是真言者雖見此等諸相善應數數察  
候語義威儀詳叙意旨說諸語話常願占筮  
見是相時即知此是觀世音化身示同我伴  
言論法事世尊我作如是相貌現者為與方



便顯教誘引種種度脫滿諸願故世尊我若  
作商人身者於市邸店大眾之中而作種種  
廣大貨易隨類隨事評量言說或復隨處聚  
落大眾示同類人一一共談四毗陀論或說  
內外一切大聲明論或作種種題篇諷詠絃  
管歌唱鼓樂之人皆為上首或復解說毗奈  
耶藏阿毗達磨藏大乘素怛羅藏乃至鳩波  
提舍等經種種文義或同淨行大婆羅門解  
說一切起世界法或說種種事火天法或說  
昔時帝王種種治國相侵罰法或共一切持  
真言人等解說種種陀羅尼具言曼拏羅印  
三昧耶安隱之法豐饒之法降鬼神法解怨

難法世尊於諸衆中作是現者云何證知我  
在衆中世尊當以三相現身驗知一者所問  
隨事典切柔和質直相應語答二者口氣香  
潔如優鉢羅華香龍腦香言音美麗清朗和  
雅三者身氣香潔如栴檀沉水一切諸香或  
復隨類同上中下各現種種姿畏醜陋全穢  
之身威雄越衆世尊若有遇是相者則見觀  
世音菩薩摩訶薩應化之身或於睡中爲現  
種種善夢瑞相誘進令滿一切菩提不退願  
地世尊我常以斯善巧方便處處現身令彼  
有情以少功力而則獲得世間隨身一切樂  
具盡皆充足世尊如斯見者惟除嫉妬妄語

耶見諂曲有情而不見矣。世尊我見如斯。嫉  
如妄語。邪見諂曲有情。一切諸天善神使者  
不獲觀錄。如有情雖不現身得證成就。我  
亦爲於當所生處與大成辦。世尊以大悲力  
運攝我心度脫。當來一切有情皆與植種。菩  
提種子。潤液。藏識。

爾時釋迦牟尼如來十方刹土一切如來一  
時讚言善哉善哉。蓮華手汝能具以大悲之  
力運攝當來一切有情度脫生死貪愛獄縛  
其中有情爲受種種刑戮怖畏獄縛禁閉窮  
頽。保露飢羸。悵惶或爲一切罪障灾厄種種  
病惱。聽聞讀誦此真言典一品之法。我等謂

為除脫諸苦同作攝受加被授記何況廣大  
依法精進清淨觀照受持讀誦不空羅索心  
王陀羅尼真言廣大解脫蓮華壇印像法香  
法藥法恭敬供養而自書寫教他書寫我等  
諸佛豈不與證阿鞞跋智地耶應知斯人則  
儻種種承事供養十方刹土一切如來蓮華  
手若未世中有苾芻苾芻尼族姓男女白月  
八日不食不語依法輪結不空羅索印母陀  
羅尼真言加持印加持印頂奮怒王印奮怒  
王真言加持印加持印頂者應知斯人即是  
如來身已得如來法性蔽故此人不應於諸  
有情而生倨傲我慢自慢應於一切有識有

情起大悲心常備修治此三昧耶者或復有人入茲三昧耶曼拏羅者或復有人但當讀誦此經典者如是等人皆得名入東西南北四維上下十方殞伽沙數一切佛刹覩見一切如來秘密三昧耶亦名得見一切如來法報化身若常依法結印頂印名常得一切如來為授灌頂大福德蘊稱歎善根成熟相應我等如是大稱讚者皆是旃暮伽王神通功德三昧耶若復有人見斯神通經卷像者則名等見九十二殞伽沙俱脛那庾多百千一切如來應正等覺三十二大人相八十妙好無量功德法報化身當得我等一切如來

祐護攝受解除五逆十惡重罪隨得一切大  
福聚蘊而自相應如斯之人名後邊身捨此  
生已安樂國土蓮華受生更不退轉若有有  
情短命多病能信此經如法書寫受持讀誦  
恭敬供養係念觀照則得長壽無諸疾解  
除貪瞋諸惡垢障當得成就大瑜伽定一切  
功德具足相應此不空絹索神變真言加持  
經等量十方一切法界一切如來故

不空絹索神變真言經卷第十二

貞

妬齋

上者路  
下羊逝

反反髓

於小反  
也正作摠

水

渾大

上去

輿

輦上音余車無音輪余日下音預羸力劣垂反駛二使史音蝕音侵音日食

月名之神名之溥音哩反力止藿呼郭反零草音靈音麝反石夜日

香反與反奴困藕反梢上音偶反蓮根也搗搗也二同麝反石夜

擣反同與泚反私列埋反莫皆所交偶反蓮未也也搗也搗二同麝反石夜

膺早迥携若反捷慈葉電蒲角反說所臻澡浴丁二同麝反石夜日

也黠古班黑也面瑩光紆定也訊訊訊二音同蠲反俱下音覓音

也崖反音且又吾佳癘疾音例稔而錦也得反都反除懸音

囉担反音邊又也囊盛下貯音成癱紆恭熟也反得反都反除懸音

部疾疝癖反上音賢下必益痲痢上音便病腕鳥反手摸下

畫上胡莫標反必遙心腹之疾痲痢上音便病腕鳥反手摸下

銕石二銅字類音偷類反古叶疾也脛腓形字去聲輒字軟

蘇匣樂二梨二類音搶同音詫反五價股反音楓水音風名楹音蜜

不曝乾上蒲報反 築竹音規反 規決弥 菓下郎

屬也枝生曰菓 蔓生曰菴反 菴反 稻禾音道 融余反 赫引之

亦上計客反下音也 饋仍志反 杼上丑佳反 撲上丑佳反 赫引之

也下蒲角也 蝗五音黃灾 檐上 負上 澍下

音反較力也 蝗五音黃灾 檐上 負上 澍下

上音 很戾上胡懇反 下零帝反 慝去卓反 警覺反

景上音 係計音 簾楚革 誘音西 邸下 禮反 賀易一

上莫 塢一古 罰伐音 全蒲悶反 嫉妬二路反 丁

涖音亦 刑戮下音 穎塵 慈同 倮郎果反 倨

傲上音 據下音 瑜上羊 諧都浪反 荷阿可反 闕烏割反

猗又 不空羅索經土卷

不空羅索經土卷



